

**O D L U K A**  
**O ZAKONU O ORGANIZACIJI PENZIJSKOG I INVALIDSKOG OSIGURANJA**  
**FEDERACIJE BOSNE I HERCEGOVINE**

**I - OSNOVNE ODREDBE**

**Clan 1.**

Ovim zakonom o organizaciji penzijskog i invalidskog osiguranja uređuju se organi upravljanja i njihove nadležnosti, rukovodjenje penzijskim i invalidskim osiguranjem, osnove organizacije jedinstvene administrativne službe i druga pitanja značajna za organizaciju penzijskog i invalidskog osiguranja.

**Clan 2.**

1. Za poslove penzijskog i invalidskog osiguranja osniva se Federalni zavod za penzijsko i invalidsko osiguranje (u daljem tekstu: Federalni zavod).
2. Obavljanje pravnih, ekonomskih, administrativnih i drugih poslova Federalnog zavoda organizuje se u Sredisnjoj administrativnoj službi penzijskog i invalidskog osiguranja (u daljem tekstu: Sredisnja služba) i kantonalnim administrativnim službama penzijskog i invalidskog osiguranja (u daljem tekstu: kantonalna služba).

**II FEDERALNI ZAVOD PENZIJSKOG I**  
**INVALIDSKOG OSIGURANJA**

**Clan 3.**

1. Federalni zavod je javna ustanova koja će djelovati u skladu sa propisima koji regulisu rad ustanova, ako ovim zakonom nije drugačije uređeno.
2. Federalni zavod je pravna osoba s pravima, obavezama i odgovornošću utvrdjenim ovim zakonom, drugim zakonima i Statutom Federalnog zavoda (u daljem tekstu: Statut).
3. Sjedište Federalnog zavoda je u Mostaru.
4. Federalni zavod ima jedan ziro-racun.
5. Rad Federalnog zavoda je javan.

**Clan 4.**

1. Federalni zavod obavlja slijedeće poslove:

- a) obavlja sve poslove iz penzijskog i invalidskog osiguranja u skladu sa ovim zakonom. Zakonom o penzijskom i invalidskom osiguranju ("Sluzbene novine Federacije BiH", broj 29/98), drugim zakonima i svojim Statutom,
- b) prikuplja doprinose za penzijsko i invalidsko osiguranje i isplacuje penzije,
- c) provodi postupak za ostvarivanje prava iz penzijskog i invalidskog osiguranja,
- d) posluje sredstvima i imovinom Federalnog zavoda,
- e) obavlja druge poslove u skladu sa zakonom, Statutom i drugim opcim aktima.

## Clan 5.

1. Federalnim zavodom upravlja Upravni odbor.

2. Upravni odbor se sastoji od jedanaest članova koje imenuje Vlada Federacije Bosne i Hercegovine (u daljem tekstu: Vlada Federacije).

Od toga, deset članova se imenuje na prijedlog vlada kantona, a jedan član na prijedlog Udruženja penzionera u Federaciji Bosne i Hercegovine.

3. Za predsjedavajućeg i članove Upravnog odbora imenuju se osobe koje imaju univerzitetsku diplomu i značajno radno iskustvo u oblasti javnih finansija, posebno u oblasti penzijskog i invalidskog osiguranja.

4. Upravni odbor se imenuje na period od dvije godine. Predsjedavajućem i članovima Upravnog odbora se mandat može obnoviti.

## Clan 6.

1. Upravni odbor vrši slijedeće poslove:

- a) donosi Statut i druge opće akte Federalnog zavoda;
- b) donosi finansijski plan, usvaja godišnji obračun i izvještaj o radu Federalnog zavoda;
- c) utvrđuje stope doprinosa u okviru ovlastenja iz Zakona o penzijskom i invalidskom osiguranju, u pogledu penzijskog i invalidskog osiguranja uz saglasnost Vlade Federacije;
- d) utvrđuje osnovice za obračun i uplatu doprinosa koje nisu propisane Zakonom o doprinosima ("Sluzbene novine Federacije BiH, broj 35/98) i Zakonom o penzijskom i invalidskom osiguranju ("Sluzbene novine Federacije BiH", broj 29/98);
- e) imenuje i razrješava direktora i zamjenika direktora Sredisnje i kantonalnih službi;
- f) imenuje komisije i druga radna tijela Upravnog odbora;
- g) uređuje organizaciju Sredisnje i kantonalnih službi, sistematizaciju poslova i broj izvršilaca poslova u tim službama;
- h) stara se o blagovremenom pritićanju sredstava za penzijsko i invalidsko osiguranje;
- i) ima odgovornost da održi fiskalni balans i ne dozvoli stvaranje obaveza prema korisnicima bilo novčanih ili u vidu vrijednosnih papira koje ne može pokriti iz prihoda;
- j) zaključuje po potrebi ugovore sa nosiocima penzijskog i invalidskog osiguranja

Republike Srpske;

k) vrši i druge poslove u skladu sa Zakonom, Statutom i drugim općim aktima Federalnog zavoda.

#### **Clan 7.**

1. Upravni odbor donosi odluke dvotrecinskom vecinom glasova imenovanih članova Upravnog odbora;
2. Statutom se uređuje o kojim pitanjima Upravni odbor donosi odluke konsenzusom.

#### **Clan 8.**

1. Organ kontrole Federalnog zavoda je Nadzorni odbor.
2. Nadzorni odbor se sastoji od predsjedavajućeg i dva člana.
3. Predsjedavajućeg i članove Nadzornog odbora imenuje Vlada Federacije.
4. Za predsjedavajućeg i članove Nadzornog odbora imenuju se osobe koje imaju univerzitetsku diplomu i značajno radno iskustvo u oblasti javnih finansija, naročito u oblasti penzijskog i invalidskog osiguranja.
5. Nadzorni odbor se imenuje na period od dvije godine, s tim što se predsjedavajućem Odbora i članovima Odbora mandat može obnoviti.

#### **Clan 9.**

1. Nadzorni odbor vrši slijedeće poslove:
  - a) analizira izvještaje o radu Federalnog zavoda;
  - b) u obavljanju nadzora, Nadzorni odbor vrši uvid u godišnji izvještaj poslovanja i godišnji finansijski obracun Federalnog zavoda;
  - c) izvještava Parlamentu Federacije Bosne i Hercegovine (u daljem tekstu: Parlament Federacije) o rezultatima nadzora.

#### **Clan 10.**

1. Federalnim zavodom rukovodi direktor.
2. Direktor predstavlja i zastupa Federalni zavod.

#### **Clan 11.**

1. Direktor Federalnog zavoda imenuje se na period od cetiri godine, na osnovu javnog natjecaja. Natjecaj mora biti objavljen u najmanje dva dnevna lista koja pokrivaju cijelo podrucje Federacije i u "Sluzbenim novinama Federacije BiH".
2. Za direktora Federalnog zavoda imenuje se osoba koja ima univerzitetsku diplomu i znacajno radno iskustvo u oblasti javnih finansija, narocito u oblasti penzijskog i invalidskog osiguranja.
3. Za direktora ne moze biti imenovan nosilac javne funkcije, ni izabrani stranacki duznosnik.
4. Direktora imenuje i razrjesava Vlada Federacije.
5. Direktor Federalnog zavoda ima zamjenika koji se pod istim uvjetima i na isti nacin imenuje i razrjesava kao i direktor.

### III - ADMINISTRATIVNA SLUZBA

#### Clan 12.

1. U Sredisnjoj sluzbi obavljaju se slijedeci poslovi:
  - a) koordinacija i pracenje primjene zakona, opcih akata i medjunarodnih ugovora o socijalnom osiguranju;
  - b) izrada prijedloga Statuta i opcih akata;
  - c) prikupljanje i rasporedjivanje sredstava za penzijsko i invalidsko osiguranje;
  - d) rjesavanje u drugom stepenu pitanja u vezi sa pravima i obavezama iz penzijskog i invalidskog osiguranja;
  - e) rjesavanje u drugom stepenu pitanja u vezi sa pravima i obavezama iz penzijskog i invalidskog osiguranja primjenom medjunarodnih ugovora o socijalnom osiguranju;
  - f) obavlja i druge poslove u skladu sa Zakonom, Statutom i opcim aktima Federalnog zavoda.
2. Sjediste Sredisnje sluzbe je u sjedistu Federalnog zavoda.

#### Clan 13.

1. U kantonalnoj sluzbi obavljaju se slijedeci poslovi:
  - a) rjesavanje u prvom stepenu pitanja u vezi sa pravima i obavezama iz penzijskog i invalidskog osiguranja;
  - b) rjesavanje u prvom stepenu pitanja u vezi sa pravima i obavezama iz penzijskog i invalidskog osiguranja primjenom medjunarodnih ugovora o socijalnom osiguranju;
  - c) obavljanje i drugih poslova u skladu sa Statutom i opcim aktima Federalnog zavoda.
2. Sjediste kantonalne sluzbe je u sjedistu Kantona.

#### Clan 14.

1. Upravni odbor u uskoj saradnji sa Sredisnjom sluzbom i uz konsultacije sa kantonalnim sluzbama ce odluciti da li ce se udruziti dvije ili vise kantonalnih sluzbi u jednu sluzbu.

2. Uvjeti za udruzivanje dvije ili vise kantonalnih sluzbi u jednu sluzbu propisuje se Statutom, a temeljit ce se na principima smanjenja broja zaposlenika i povecanja efikasnosti u obavljanju administrativnih poslova.

#### **Clan 15.**

1. Administrativna sluzba sredstva za svoj rad osiguravaju iz prihoda fonda penzijskog i invalidskog osiguranja. Na visinu tih sredstava saglasnost daje Vlada Federacije.

### **IV - STATUT**

#### **Clan 16.**

1. Statut i druge opce akte priprema Federalni zavod.

2. Statutom se uredjuje:

a) djelokrug rada, ovlastenja i odgovornosti direktora i zamjenika direktora Federalnog zavoda, i direktora i zamjenika direktora Sredisnje sluzbe i kantonalnih sluzbi;

b) uvjeti za imenovanje direktora i zamjenika direktora Sredisnje sluzbe i kantonalnih sluzbi, pitanja po kojima direktori i zamjenici direktora moraju imati usaglasene stavove;

c) javnost rada Federalnog zavoda;

d) osnove organizacije Sredisnje sluzbe, kantonalnih sluzbi i njihovih nadležnosti;

e) druga pitanja od znacaja za provodjenje penzijskog i invalidskog osiguranja, i za rad Federalnog zavoda.

3. Saglasnost na Statut Federalnog zavoda daje Parlament Federacije.

4. Statut i opca akta Federalnog zavoda objavljuju se u "Sluzbenim novinama Federacije BiH".

### **V . PRIJELAZNE I ZAVRSNE ODREDBE**

#### **Clan 17.**

1. Federalni zavod ce se formirati reorganizacijom Drustvenog fonda za penzijsko i invalidsko osiguranje Bosne i Hercegovine i Zavoda mirovinskog i invalidskog osiguranja

Mostar (u daljem tekstu: zateceni nosioci osiguranja).

2. Federalni zavod ce poceti sa radom u roku od pet mjeseci od dana stupanja na snagu ovog zakona, a najkasnije 30. aprila 2001. godine.

3. Zateceni nosioci osiguranja nastavljaju s radom do pocetka rada Federalnog zavoda. Federalno ministarstvo socijalne politike, raseljenih osoba i izbjeglica i Agencija za penzijsko i invalidsko osiguranje osnovana na osnovu clana 154. Zakona o penzijskom i invalidskom osiguranju i zateceni nosioci osiguranja ce pripremiti privremene opce akte i provesti postupak za pocetak rada Federalnog zavoda.

4. Vlada Federacije ce u roku od tri mjeseca od dana stupanja na snagu ovog zakona donijeti program finansijske konsolidacije zatecenih nosilaca osiguranja u kojem ce narocito utvrditi uvjete izjednacavanja dinamike isplate penzija i isplate penzija u stvarnim iznosima koji pripadaju korisnicima penzija u skladu sa Zakonom o penzijskom i invalidskom osiguranju.

#### **Clan 18.**

1. Imovinu zatecenih nosilaca osiguranja koju cine stvari, prava, novac i ostala pokretna i nepokretna imovina sa kojom su raspolagali zateceni nosioci osiguranja preuzima Federalni zavod.

2. Zaposlenike zatecenih nosilaca osiguranja preuzima Federalni zavod.

3. Primopredaja sluzbenih akata izmedju zatecenih nosilaca osiguranja i Federalnog zavoda izvrst ce se u skladu sa Odlukom i postupku primopredaje sluzbenih akata izmedju ukinutih i novoosnovanih organa uprave i Federalnih ustanova ("Sluzbene novine Federacije BiH", broj 20/98).

#### **Clan 19.**

Privremenog direktora Federalnog zavoda i njegovog zamjenika do imenovanja direktora i zamjenika direktora iz clana 1. ovog zakona imenuje Vlada Federacije.

#### **Clan 20.**

Agencija za penzijsko i invalidsko osiguranje ce prestati sa radom nakon zavrsetka poslova iz clana 18. ovog zakona.

#### **Clan 21.**

Ovaj zakon ce se odmah objaviti u "Sluzbenim novinama Federacije BiH" i stupa na snagu osmog dana od dana objavljivanja u "Sluzbenim novinama Federacije BiH".

Broj 56/00  
12. novembra/studenoga 2000.  
Sarajevo

Visoki predstavnik  
Wolfgang Petritsch, s.r.